

四庫全書

史部

欽定四庫全書

史部

欽定皇輿西域圖志卷二十五

六

詳校官通政使_臣夢吉

檢討_臣德生覆勘

總校官候補中允

_臣王燕緒

校對官中書

_臣吳樹萱

謄錄監生

_臣褚兆麟

欽定四庫全書

欽定皇輿西域圖志卷二十五目錄

水二

天山北路一

阿勒塔齊郭勒

阿爾呼特布拉克

多倫布拉克

庫里葉圖布拉克

察罕烏蘇

納里特布拉克

阿察郭勒

鄂倫淖爾

鏗格爾布拉克

必柳布拉克

多博綽克布拉克

濟爾瑪台布拉克

烏里雅蘇台布拉克

阿克塔斯布拉克

烏蘭烏蘓

鄂倫淖爾

昌吉郭勒

羅克倫郭勒

呼圖克拜郭勒

圖古里克郭勒

哈齊克郭勒

瑪納斯郭勒

額彬格遜淖爾

烏蘭烏蘓

和爾郭斯郭勒

安濟哈雅郭勒

庫爾郭勒

濟爾噶朗郭勒

額布圖郭勒

布勒哈齊淖爾

裕勒雅爾郭勒

晶郭勒

庫色木蘇克郭勒

鄂拓克賽里郭勒

博羅塔拉郭勒

察罕賽喇木淖爾

阿拉克圖古勒淖爾

烏里雅蘇台布拉克

布爾噶蘇台布拉克

烏爾圖布拉克

青吉勒郭勒

赫色勒巴什淖爾

布拉干郭勒

烏英齊郭勒

博東齊郭勒

額爾齊斯郭勒

哈喇圖郭勒

哈喇額爾齊斯郭勒

奇喇郭勒

哈爾巴郭勒

博喇濟郭勒

尼斯庫郭勒

納林郭勒

巴爾噶淖爾

烘和圖淖爾

哈柳圖郭勒

北額爾齊斯河郭勒

阿拉克淖爾

昌吉斯台郭勒

柴羅爾郭勒

哈爾巴噶郭勒

特穆爾圖郭勒

烏得郭勒

空格爾郭勒

愛呼斯淖爾

烏里雅蘇台郭勒

額敏郭勒

古爾格淖爾

布隆郭勒

阿爾瑪圖巴爾楚克郭勒

察奇爾郭勒

烏蘭呼濟爾布拉克

呼濟爾烏蘓

綽諾布拉克

達木郭勒

烘郭爾布拉克

烏爾圖布拉克

哈畢爾噶布拉克

托來布拉克

納木郭勒

穆呼勒岱布拉克

達爾達木圖布拉克

蕪海圖布拉克

摩多圖布古圖布拉克

尼楚滾布古圖布拉克

鄂倫布拉克

伊奇爾布拉克

布爾噶蘇台布拉克

察拉垓布拉克

綽爾布拉克

欽定皇輿西域圖志卷二十五目錄

欽定四庫全書

欽定皇輿西域圖志卷二十五

水二

天山北路一

阿勒塔齊郭勒

阿勒塔齊郭勒源出迪化州城西南烏可克達巴
北麓東北流至迪化州城南分二支夾城各北流
一百里入於地西南有三泉東北流並入於郭勒

阿爾呼特布拉克

阿爾呼特布拉克在阿勒塔齊郭勒東北流三十里入阿勒塔齊郭勒

多倫布拉克

多倫布拉克在阿勒塔齊郭勒東一百四十里源出博克達鄂拉北麓北流四十五里至阜康縣城南左右皆有泉同發源博克達山麓北流入於地庫里葉圖布拉克

庫里葉圖布拉克在多倫布拉克東四十里源出
博克達鄂拉北麓北流四十里入於地

察罕烏蘇

察罕烏蘇在庫里葉圖布拉克東四十里源出額
得墨克達巴北麓北流三十五里入於地

納里特布拉克

納里特布拉克在察罕烏蘇東二十里源出額得
墨克達巴北麓北流三十里入於地

阿察郭勒

阿察郭勒在納里特布拉克東三十里有三源出
天山北麓北流五十里匯為一河餘波入於沙磧
鄂倫淖爾

鄂倫淖爾在阿察郭勒東一百二十里都爾伯勒
津城西十里源出天山北麓北流經得勒呼蘇台
行一百里潴為淖爾圓徑三十里

鏗格爾布拉克

鏗格爾布拉克在鄂倫淖爾上流東三十里源出
天山北麓東又一泉合而北流六十里至都爾伯
勒津城南

必柳布拉克

必柳布拉克在鏗格爾布拉克東二十五里都爾
伯勒津城南源出天山北麓東又一泉名濟布庫
北行十里入必柳布拉克

多博綽克布拉克

多博綽克布拉克在必柳布拉克東三十里源出
天山北麓凡三道相距各二十里

濟爾瑪台布拉克

濟爾瑪台布拉克在多博綽克布拉克東三十里
源出天山北麓西北流凡三道相距各二十里西
為奇台布拉克又西為格根布拉克

烏里雅蘇台布拉克

烏里雅蘇台布拉克在濟爾瑪台布拉克東四十

里源出天山北麓西北流九十里入於地西二十里有泉在木壘北

阿克塔斯布拉克

阿克塔斯布拉克在烏里雅蘇台布拉克東三十里源出天山北麓凡三道相距各二十餘里

烏蘭烏蘇

烏蘭烏蘇在阿克塔斯布拉克東二十里源出天山北麓東北流四十里至和濟格爾入於沙磧

按此為山北準夷舊疆東盡處又東為烏爾圖
哈畢爾噶托來諸布拉克入鎮西府境

鄂倫淖爾

鄂倫淖爾亦曰達布蘇淖爾在阿勒塔齊郭勒南
三十里南距迪化州城四十里周十里許其東別
有小池

唐書地理志後庭縣本蒲類有鹹泉鎮

按迪化州即烏魯木齊古蒲類地

詳見疆域

唐志稱

其有鹹泉疑即今所謂鄂倫淖爾者近是

昌吉郭勒

昌吉郭勒在迪化州西昌吉縣南源出孟克圖達
巴北麓有四源合而北流二百餘里經兩屯之間
踰孔道北又東北行入於地

羅克倫郭勒

羅克倫郭勒在昌吉郭勒西十五里其源出孟可
克達巴北麓有兩源北流二百餘里又西為格特

爾格羅克倫郭勒北流折而西入於呼圖克拜郭勒

呼圖克拜郭勒

呼圖克拜郭勒在羅克倫郭勒西一百里地當孔道有五源出天山北麓北流二百里東會格特爾格羅克倫郭勒西北流入於額彬格遜淖爾

圖古里克郭勒

圖古里克郭勒在呼圖克拜郭勒西九十里源出

巴顏哈瑪爾鄂拉北麓北流百里踰孔道入於地
哈齊克郭勒

哈齊克郭勒在圖古里克郭勒西九十里呼圖克
拜郭勒西一百四十里有三源出哈屯博克達鄂
拉東北麓東北流一百二十里踰孔道入於地

瑪納斯郭勒

瑪納斯郭勒在哈齊克郭勒西一百里綏來縣治
西境有五源分出哈屯博克達鄂拉北麓合而北

流七十里循綏來縣治之西折而北三十里會烏
蘭烏蘇又北流一百里入額彬格遜淖爾

宋王延德高昌行紀北廷川長廣數千里鷹鷄鵑
鵲之所生多美草不生花汎舟於池中四面作鼓
樂

按今天山以北迪化州左右境於古胥屬北廷
山泉隨處濬發其經流之遠者若呼圖克拜瑪
納斯諸郭勒之匯入於額彬格遜淖爾若庫爾

濟爾噶朗諸郭勒之匯入於布勒哈齊淖爾其較著也延德記稱其川長廣數千里或未免形容失實然以方位求之則北廷川流之蹟於此可得其槩也由是而西長如伊犁郭勒吹郭勒塔拉斯郭勒廣如圖斯庫勒巴勒喀什淖爾其去北廷太遠有非延德所及記者矣

額彬格遜淖爾

額彬格遜淖爾在博羅哈瑪爾鄂拉奇喇圖魯鄂

拉北二百里南會呼圖克拜郭勒瑪納斯郭勒烏
蘭烏蘓諸水咸潄於是周可五十餘里乃布勒哈
齊淖爾東一巨澤也乾隆三十一年秩於祀典每
歲春秋致祭

歲祭額彬格遜淖爾丈

惟神德滋邊土潤被遐陬接蔥嶺以環流繞天山而表
勝澄光不動淵渟受衆壑之歸湛影惟清派合溥流泉
之利灌平原而布惠早看沃澤興屯通遠磧以効靈益

慶恬波利涉宜崇禋祀用荅神庥

按唐書蘓定方追擊處木昆部於曳咥河西由
是乘勝西行至雙河渡伊犁水乃禽賀魯伊麗
水為今伊犁河則由是以東至布勒哈齊淖爾
宜為雙河又東至額彬格遜淖爾宜為曳咥河
也

烏蘭烏蘓

烏蘭烏蘓在瑪納斯郭勒西六十里源出古爾班

多博克鄂拉北麓東北流一百里入瑪納斯郭勒
匯流入於額彬格遜淖爾

和爾郭斯郭勒

和爾郭斯郭勒舊音和落霍漸在烏蘭烏蘓西五
十里源出額林哈畢爾噶鄂拉北麓凡數處合而
北流五十里至孔道北復分三支入於地

安濟哈雅郭勒

安濟哈雅郭勒在和爾郭斯郭勒西北三十里源

出額林哈畢爾噶鄂拉凡三源東北流一百二十里踰孔道北潄為小澤

以上屬安西北路迪化州後屬天山北路

庫爾郭勒

庫爾郭勒在奎屯安濟哈雅西四十里源出天山北麓北行迤東會阿爾沙圖布拉克又北行至布勒哈齊北折而西行南會濟爾噶朗郭勒又西行四十里南會額布圖郭勒合而西流為坤都倫布

爾哈齊郭勒西南流七十里入於布勒哈齊淖爾
濟爾噶朗郭勒

濟爾噶朗郭勒在庫爾郭勒西七十里源出天山
北麓北流二百里會庫爾郭勒西流入布勒哈齊
淖爾

額布圖郭勒

額布圖郭勒在濟爾噶朗郭勒西七十里源出額
布圖達巴北流一百八十里會庫爾郭勒濟爾噶

朗郭勒西流入布勒哈齊淖爾

布勒哈齊淖爾

布勒哈齊淖爾為天山西北一大澤周迴四百餘里冬夏不盈虧東會額布圖郭勒濟爾噶朗郭勒庫爾郭勒西會鄂拓克賽里郭勒庫色木蘇克郭勒南會晶郭勒三面同入於淖爾

裕勒雅爾郭勒

裕勒雅爾郭勒舊音雅勒裕爾在額布圖郭勒西

三十里瀦為小澤餘波入布勒哈齊淖爾乾隆三十一年秩於祀典每歲春秋致祭

歲祭裕勒雅爾郭勒文

惟神德毓靈源符標上善妙柔明而不滓抱清淨以無塵遠浦渟涵勢縈迴而似帶晴瀾皎晶光潏灑以如銀值衆部之輸誠知百靈之効順禾麻長養咸資布潤之功黍稷馨香宜有明禋之報用昭靈貺庶答神庥

品郭勒

晶郭勒在烏里雅蘇圖西二十里源出孔道南三十里天山下三源合而北流入布勒哈齊淖爾

庫色木蘇克郭勒

庫色木蘇克郭勒在察罕拜牲城西五里有兩源出塔勒奇鄂拉西五十里過鄂拉東迤北行八十里又折而東五十里入布勒哈齊淖爾

唐書突厥傳

賀魯敗趨南道降步真定方命嗣業

婆潤趨邪羅斯川追虜任雅相提降兵踵後於是

晝夜進收所過人畜至雙河與彌射步真會又彌射擊真珠葉護於雙河斬之

按蘇定方追賀魯至雙河後西二百里即抵金牙山賀魯跳伊麗水而逸是雙河在伊麗水東二百里外也今以天山北路伊犁郭勒迤東之河考之其最近伊犁郭勒者為鄂拓克賽里郭勒稍東南為庫色木蘇克郭勒兩河交流同入於布勒哈齊淖爾應即唐書所謂雙河者亦因

其兩河交流而名之耳

鄂拓克賽里郭勒

鄂拓克賽里郭勒源出博羅和洛鄂拉西北行一百里又西北一河源出罕哈爾察海鄂拉東南流北合三河匯而東流三十里為博羅塔拉郭勒

博羅塔拉郭勒

博羅塔拉郭勒西承鄂拓克賽里郭勒及西北一河合流三十里至此復分南北二流各東行七十

里又合而東流四十里南會庫色木蘇克郭勒入
於布勒哈齊淖爾

察罕賽喇木淖爾

察罕賽喇木淖爾在庫色木蘇克郭勒西北鄂拓
克賽里郭勒東南源出塔勒奇鄂拉西周迴可百
里乾隆二十八年秩於祀典每歲春秋致祭

歲祭察罕賽喇木淖爾文

惟神坎德宣昭蒙泉濬發自塔爾奇之峻嶺靈派遙分

為厄魯特之名川羣流交滙晴波浪激作襟帶於烏孫
巨浪安恬慶澄清於蒲海佐坤元而布化亘沙磧以含
滋允協懷柔宜崇昭報朕撫綏遐徼者定豐功績紀犁
庭勒石格登之嶂威行破竹洗兵伊麗之河惟式廓之
丕增實有神之默相當秣馬龍堆之日効順而助皇威
洎屯田雁塞之年流潤以滋土脈用展沈狸之典庶期
肝饗之通玉帛載陳春秋勿替興雲有渰萬頃溥灌溉
之功鼓枻邁行諸蕃効朝宗之願有感而必應用康靖

乎塞垣源遠則流長永馨香乎奕世式惟國典時乃神
庥

阿拉克圖古勒淖爾

阿拉克圖古勒淖爾在布勒哈齊淖爾西北五十
里周迴四百餘里乾隆三十一年秩於祀典每歲
春秋致祭

歲祭阿拉克圖古勒淖爾文

惟神協靈浩澤潛潤遐荒標名勝於月竈以西作襟帶

於天山之北王師飛渡瑞同䟽勒之名泉大漠永清廓
比蒲昌之靈海將屯衛資水泉之美普沃新疆而邊庭
仰雲雨之司用昭明德爰修祀典遙薦馨香

烏里雅蘇台布拉克

烏里雅蘇台布拉克源出拜塔克南麓有三流北
行入於沙磧

按此布拉克與後布爾噶蘇台烏爾圖兩布拉克
皆不通青吉勒郭勒

布爾噶蘇台布拉克

布爾噶蘇台布拉克在烏里雅蘇台布拉克西源
出拜塔克南麓有三流南行入於沙磧

烏爾圖布拉克

烏爾圖布拉克在布爾噶蘇台布拉克西拜塔克
南東北流入於沙磧

青吉勒郭勒

青吉勒郭勒在拜塔克北六十里河有兩源一為

布拉青吉勒郭勒一為哈達青吉勒郭勒出東北
百里外北山南麓西南流東會布拉干郭勒之水
西流五十里總名青吉勒郭勒始於哈布塔克之
西北經拜塔克之北又西流二百里入赫色勒
巴什淖爾

赫色勒巴什淖爾

赫色勒巴什淖爾在哈喇莽奈鄂拉北一百里上
承青吉勒郭勒之水西流三百餘里至此滙為巨

浸東西七十里南北三十里餘波入於沙磧

布拉干郭勒

布拉干郭勒在布拉青吉勒郭勒東源出和通鄂博西山南麓西南流一百四十里東北會布拉青吉勒郭勒又西流入青吉勒郭勒

烏英齊郭勒

烏英齊郭勒在布拉干郭勒東四十里源出必濟

鄂拉西南麓西南流入於沙磧

博東齊郭勒

博東齊郭勒在烏英齊郭勒東五十里源出必濟
鄂拉南麓西南流入於沙磧

額爾齊斯郭勒

額爾齊斯郭勒在赫色勒巴什淖爾北一百里源
出額爾齊斯東北山麓有兩源合而西行二百里
東北會哈喇圖郭勒又西行二百七十里東北會

哈喇額爾齊斯郭勒又折而西北行百里東會奇
喇郭勒又東會哈爾巴郭勒又西北行六十里東
會博喇濟郭勒又西北行四十里東會尼斯庫郭
勒又西北行四十里東會納林郭勒又西北行十
里入烘和圖淖爾由淖爾西北岸出仍名額爾齊
斯郭勒入哈薩克境

唐書突厥傳賀魯者室點蜜可汗五世孫曳步利
設射匱特勒叔越子也始阿史那步真來歸國咄

陸可汗以賀魯為葉護代步真居多邏斯川直西
州北千五百里

按今闢展唐屬西州額爾齊斯河在今闢展北
八百里外里數古浮今實重以山川廻互不皆
徑道則所云賀魯代步真居多邏斯川直西州
北千五百里者應即今額爾齊斯河也顯慶初
蘇定方與任雅相蕭嗣業婆閏窮討賀魯定方
命嗣業婆閏趨邪羅斯川追虜邪羅斯川應即

多邏斯川邪與多為音之訛羅邏書法稍變耳

哈喇圖郭勒

哈喇圖郭勒在額爾齊斯郭勒東北有兩源出古爾畢達巴西流三百里西南入額爾齊斯郭勒

哈喇額爾齊斯郭勒

哈喇額爾齊斯郭勒在哈喇圖郭勒北四十里有兩源出庫爾圖達巴西南流二百里入額爾齊斯郭勒

奇喇郭勒

奇喇郭勒在哈喇額爾齊斯郭勒北四十里有兩源出奇喇鄂拉西流一百九十里入額爾齊斯郭勒

哈爾巴郭勒

哈爾巴郭勒在奇喇郭勒北四十里源出阿斯哈圖達巴南麓西南流入奇喇郭勒匯入於額爾齊斯郭勒

博喇濟郭勒

博喇濟郭勒在奇喇郭勒北六十里源出阿斯哈圖達巴西麓西流百里入額爾齊斯郭勒

尼斯庫郭勒

尼斯庫郭勒在博喇濟郭勒北五十里源出古爾班齊喇鄂拉西流四百里入額爾齊斯郭勒

納林郭勒

納林郭勒在尼斯庫郭勒北西流百里入額爾齊

斯郭勒

巴爾噶淖爾

巴爾噶淖爾在納林郭勒北額爾齊斯東百里外
小澤名周圍五里其流與額爾齊斯郭勒通

烘和圖淖爾

烘和圖淖爾在阿勒坦鄂拉西塔爾巴噶台東北
額爾齊斯郭勒挾諸河之水西北入之特穆爾圖
郭勒哈爾巴噶郭勒東入之周迴六百餘里南有

小河名烏得郭勒

唐書回鶻傳葛邏祿在金山西跨僕固振水

按阿勒坦鄂拉為古金山其西境之水以烘和
圖淖爾為大葛邏祿處金山西跨僕固振水應
即今之烘和圖淖爾也

哈柳圖郭勒

哈柳圖郭勒在阿勒坦鄂拉西北源出山西南麓
西北流一百餘里匯為巨浸由是西南行百餘里

至阿拉克鄂拉

北額爾齊斯郭勒

北額爾齊斯郭勒在烘和圖淖爾西北阿拉克淖
爾昌吉斯台郭勒柴羅爾郭勒東來入之其自西
來會入者有哈喇郭勒烘和爾堆布昆諸水西流
入哈薩克境

阿拉克淖爾

阿拉克淖爾在哈柳圖郭勒西二百里源出阿拉

克鄂拉西行三百里北會昌吉斯台郭勒柴羅爾
郭勒諸水入北額爾齊斯郭勒

昌吉斯台郭勒

昌吉斯台郭勒在阿拉克淖爾西北十里南流滙
入焉

柴羅爾郭勒

柴羅爾郭勒在昌吉斯台郭勒西二十五里西南
流入阿拉克淖爾

哈爾巴噶郭勒

哈爾巴噶郭勒在烘和圖淖爾西東流五十里匯入淖爾

特穆爾圖郭勒

特穆爾圖郭勒在哈爾巴噶郭勒東南東北流入烘和圖淖爾

烏得郭勒

烏得郭勒在特穆爾圖郭勒東南經流五十餘里

不通他水

空格爾郭勒

空格爾郭勒在烏得郭勒東南東流百餘里入額

爾齊斯郭勒

愛呼斯淖爾

愛呼斯淖爾在烘和圖淖爾西南二百五十里源
出朱爾庫朱鄂拉西北流五十里潄為澤周圍數里
又西南有雅爾郭勒源出塔爾巴噶台鄂拉

烏里雅蘇台郭勒

烏里雅蘇台郭勒在愛呼斯淖爾南源出鄂爾和
楚克鄂拉東北麓又一源出其西北流三十里而
合又西流三百餘里入古爾格淖爾

額敏郭勒

額敏郭勒在烏里雅蘇台郭勒西鄂爾和楚克鄂
拉西北河流北注入古爾格淖爾乾隆三十一年
秩於祀典每歲春秋致祭

歲祭額敏郭勒文

惟神績奏安瀾祥符泰運地雖臨乎遠塞
派原共此朝宗一水淵渟流末同夫竹箭
千層激灑風自息夫鯨波入我版章共九
河而貢順漑茲禾黍普百室以胥盈是用
嘉彼靈長登之秩祀用答神貺永固鴻基

古爾格淖爾

古爾格淖爾在愛呼斯西南一百五十里
周圍百餘里烏里雅蘇台郭勒額敏郭勒
西流入之

布隆郭勒

布隆郭勒在烏里雅蘇台郭勒西南源出鄂爾和
楚克鄂拉北麓北流七十里入沙磧

阿里瑪圖巴爾楚克郭勒

阿里瑪圖巴爾楚克郭勒在布隆郭勒西一百五
十里額敏郭勒西南源出南山下北流三十里入
沙磧

察奇爾郭勒

察奇爾郭勒在阿里瑪圖巴爾楚克郭勒西一百里源出南山下北百里

按此南山即鄂爾和楚克西境相接之山阿里瑪圖巴爾楚克諸郭勒出其北麓故謂之南山穆呼勒岱鄂多特諸泉出其南麓故謂之北山其實一山也

烏蘭呼濟爾布拉克

烏蘭呼濟爾布拉克在齊爾西源出巴爾魯克鄂

拉東北麓

呼濟爾烏蘇

呼濟爾烏蘇在烏蘭呼濟爾布拉克西一百六十里源出巴爾魯克鄂拉北麓

綽諾布拉克

綽諾布拉克在呼濟爾烏蘇西三十里源出巴爾魯克鄂拉西北麓由是西行五十里與阿拉克圖古勒淖爾接

達木郭勒

達木郭勒在納林和博克東二十里源出鄂爾和
楚克鄂拉南麓西南流十五里又一源西自納林
和博克東南來合而南流二十里入沙磧

烘郭爾布拉克

烘郭爾布拉克在達木郭勒東二十里源出鄂爾
和楚克鄂拉南麓西南流十五里入於沙磧

烏爾圖布拉克

烏爾圖布拉克在達木郭勒東二百里薩里鄂拉
南濱河兩岸山形周圍環匝

哈畢爾噶布拉克

哈畢爾噶布拉克在色伯蘇台鄂拉西五十里南
流入沙磧

托來布拉克

托來布拉克在哈畢爾噶布拉克西五十里源出
北山南麓南流三十里入沙磧

納木郭勒

納木郭勒在托來布拉克西五十里東距色伯蘇
台鄂拉一百十里源出北山下南流五十里又一
源西南來會而東南行又四十里入於沙磧西距
額彬格遜淖爾百里

穆呼勒岱布拉克

穆呼勒岱布拉克在納木郭勒西五十里源出北
山下南流旁有鄂多特布拉克

達爾達木圖布拉克

達爾達木圖布拉克在穆呼勒岱布拉克西五十里源出北山下南流

蘇海圖布拉克

蘇海圖布拉克在達爾達木圖布拉克西五十里源出北山下南流以上三泉在額彬格遜淖爾之北三十里其流入於沙磧不通淖爾

摩多圖布古圖布拉克

摩多圖布古圖布拉克在蘇海圖布拉克西南五十里源出北山下南流入於地

尼楚滾布古圖布拉克

尼楚滾布古圖布拉克在摩多圖布古圖布拉克西五十里源出北山下南流入於地

鄂倫布拉克

鄂倫布拉克在尼楚滾布古圖布拉克西二十里源出北山下南流入於地

伊奇爾布拉克

伊奇爾布拉克與布爾噶蘇台布拉克並流在鄂倫布拉克西二十八里源出北山下南流入於地布爾噶蘇台布拉克

布爾噶蘇台布拉克在伊奇爾布拉克西五十里源出北山下南流入於地

察拉垓布拉克

察拉垓布拉克在布爾噶蘇台布拉克西五十里

源出北山下南流入於地

綽爾布拉克

綽爾布拉克在察拉垓布拉克西四十里源出北
山下南流入於地由是南行百里至布勒哈齊淖
爾

欽定皇輿西域圖志卷二十五

欽定四庫全書

欽定皇輿西域圖志卷二十六目錄

水三

天山北路二

空格斯郭勒

哈什郭勒

特克斯郭勒

塔勒奇郭勒

伊犁郭勒

察漢烏蘇

阿里瑪圖郭勒

策集郭勒

薩瑪勒郭勒

奎屯郭勒

塔里雅圖布拉克

阿斯哈郭勒

塔拉錫克郭勒

古爾班賽里郭勒

圖爾根布拉克

塔拉噶爾郭勒

額什圖郭勒

庫爾圖郭勒

奎屯郭勒

庫克烏蘇郭勒

哈喇塔勒郭勒

察林郭勒

哲克得郭勒

必齊干郭勒

巴克伯勒齊爾郭勒

巴勒喀什淖爾

巴倫裕勒都斯郭勒

特爾默哈達布拉克

布蘭布拉克

哈爾噶納圖布拉克

準裕勒都斯郭勒

布拉圖布拉克

札噶蘇台布拉克

格訥特布拉克

烏里雅蘇圖布拉克

烏爾圖布拉

謨海沙喇布拉克

什巴爾台布拉克

賽喇木布拉克

雅瑪圖哈布齊勒布拉克

古爾班努庫爾布拉克

袞哈布齊勒布拉克

察罕烏蘇

巴倫哈布齊塔耶勒

多木達都哈布齊垓郭勒

準哈布齊垓郭勒

圖斯庫勒

吹郭勒

薩拉布郭勒

沙木什郭勒

烏蘭烏蘇郭勒

格格圖郭勒

阿什圖郭勒

達布蘇圖郭勒

阿爾察圖郭勒

伊蘭巴什郭勒

庫克薩爾郭勒

索郭魯克郭勒

察罕烏蘇郭勒

哈喇巴勒圖郭勒

古爾班哈納圖郭勒

阿什布魯爾郭勒

墨爾根郭勒

和什庫勒

塔拉斯郭勒

額得墨克郭勒

古爾班哲爾格郭勒

哈喇郭勒

庫穆什郭勒

哈喇布拉郭勒

森格爾淖爾

阿爾沙郭勒

明布拉克

阿克庫勒淖爾

必庫勒淖爾

欽定皇輿西域圖志卷二十六目錄

欽定四庫全書

欽定皇輿西域圖志卷二十六

水三

天山北路二

空格斯郭勒

空格斯郭勒源出空格斯東額通古里達巴西麓其水西北流三百餘里至都爾伯勒津西南會特克斯郭勒又西流三十里東北會哈什郭勒入伊

犁郭勒乾隆二十八年秩於祀典每歲春秋致祭
歲祭空格斯郭勒文

惟神洪源遠布遐澤旁敷潤西域之神臯灌輸攸賴隸
北庭之都護耕牧稱繁巨嶺東來束岡巒之蜿蜒大河
西折作襟帶于伊犁環沙漠以揚流効地靈而布德含
滋有慶命典聿昭朕撫恤羣藩削平諸部百靈効順張
雷動之六師庶彙咸昌興雲屯之千耦惟茲巨川之利
濟實為神爽所式憑在昔飲馬長流澄波既慶即今洗

兵蒙汜渥澤均沾特詔祠官載隆望祀屆春秋而將享
丕昭漸被之庥練時日以潔蠲克集懷柔之福承茲永
秩式此居歆

喀什郭勒

喀什郭勒在空格斯郭勒北源出喀什東一百二
十里哈喇古顏鄂拉南麓其水西南流二百四十
里至都爾伯勒津西會空格斯郭勒特克斯郭勒
西入伊犁郭勒乾隆二十八年秩於祀典每歲春

秋致祭

歲祭哈什郭勒文

惟神澤沛金方靈昭坎德滙特克斯而共注衆派同歸
經固爾札以分流平原獨沃淵澄方折記玉水之潑洄
績著安瀾靜銀波之浩淼効靈不爽錫典宜隆朕撫定
遐陬敷寧荒服塞烟隴月駐細柳以開營雪浪風濤挾
飛艎而競渡惟念斯河之天險益欽今日之波恬粵稽
盟鹿名州益增式廓爰布沈貔令典用妥神明康我邊

陞永秩春秋之祀綏爾藩部共歌清晏之庥肅此苾芬
尚其昭格

特克斯郭勒

特克斯郭勒在伊犁西南一百五十里源出汗騰
格里鄂拉北麓東流三百餘里北會空格斯郭勒
又西流四十餘里至都爾伯勒津喀什郭勒東北
入之會入伊犁郭勒河自發源處東行南北山泉
支流咸會其在南山近西者曰沙拉揚子布拉克

又東曰古爾班哈巴哈布拉克又東曰哈爾充布
拉克又東曰古爾班木素爾布拉克又東曰察罕
烏蘇又東曰阿古野斯布拉克又東曰古爾班莫
力台布拉克又東曰特里克布拉克又東曰庫克
烏蘇布拉克又東曰和爾代布拉克又東曰古爾
班濟爾班郎布拉克其在北山近西者曰阿爾班
布拉克又東曰哈爾噶郎圖布拉克又東曰色勒
圖布拉克

塔勒奇郭勒

塔勒奇郭勒在塔勒奇鄂拉南谷口外天山下西南流一百二十里入伊犁郭勒

伊犁郭勒

伊犁郭勒東西經伊犁境內四百餘里東會空格斯郭勒西南會特克斯郭勒東北會喀什郭勒合而西流為伊犁郭勒南北支流不一其北流為固爾扎郭勒又西為古爾班察漢烏蘇又西為阿里

瑪圖郭勒又西為策集郭勒其南流為呼那海博
拉郭勒又西為古爾班哈爾奇拉郭勒合而西流
四百餘里折而西北流又四百餘里南會支河北
行二百里東入巴勒喀什淖爾乾隆二十五年西
域平遣官告祭每歲春秋致祀

告祭伊犁郭勒文

朕受

命承家化綏億域懷神秩禮馨格一心爰從乙亥之春王

師申討始達伊犁之境時雨效靈準人既即叙以教寧
回部更偕來而式廓波恬兩岸屢憑舟騎之通派合千
山早受版章之隸惟神嘉貺翊我大勲萬里而遙久繪
圖以攬勝五年而近常揆藻以抒忱特崇賡帛之文肇
舉祭川之典瑞升雲物自今加澤邊氓功溉土田以歲
長畝國祀浩浩崑墟之北比於瀆尊洋洋蒲海之東昭
茲坎德醴牲用潔遣告維虔乾隆二十五年月日

歲祭伊犁郭勒文

惟神洪源遠濬沛澤旁敷作襟帶於兌方朝宗有本協
盈虛於坎德用涉咸昭境過渠搜遐控流沙而外地連
越匿舊傳伊列之名環絕域以含滋亘平原而布潤効
靈不爽錫典宜優朕撫馭寰輿救寧荒徼定準噶爾之
全部剗木遙通俘厄魯特之名王恬波共慶惟茲巨川
之利濟實當大漠之隩區聲教所宣懷柔悉協在昔六
師飛渡既彰孚佑之庥於今千耦興屯益溥灌輸之利
爰隆秩祀特詔祠官頒制帛以孔虔練吉辰而肇舉春

秋將事萬里宏漸被之規牲醴薦馨諸藩享澄清之福
尚希昭格來饗苾芬

唐書突厥傳因伊列河約諸部河以西受令於吐
陸其東咥利失主之自是西突厥又分二國矣又
顯慶初蘇定方為伊麗道行軍大總管討賀魯定
方破其牙賀魯跳渡伊麗水

按天山以北諸水以圖斯庫勒巴勒喀什淖爾
為大伊犁為巴勒喀什上流經流千里川壩交

滙唐名伊列亦名伊麗當為一河又地理志北庭都護府注過思渾川蟄失密城渡伊麗河一名帝帝河至碎葉界則今之伊犁郭勒在唐又名帝帝河也

察罕烏蘇

察罕烏蘇在塔勒奇郭勒西凡三河亦名古爾班察罕烏蘇南流入伊犁郭勒又西為阿里瑪圖布拉克乾隆二十八年秋於祀典每歲春秋致祭

歲祭察罕烏蘇文

惟神敷澤遐方分流絕徼波心澄澈鋪一片之白銀天
色空明映千層之素練沃壤則波羅塔拉遙待灌輸遠
峯則哈喇古顏若為環抱沂源有自利涉攸資朕統馭
八紘昭宣七德設候流沙以外載拓堯封洗兵瀚海之
西遠恢周索神効靈以僖應

天助順而成功惟茲察罕之川近在伊犁之域當王師之
度塞相予宏勲洎都護之屯田溥茲美利土膏滋液應

坎德以濟生民水氣和甘徧兌方而宣渥惠爰稽故典
載肅常裡奠玉幣以孔虔練春秋而致告吉蠲將事列
四瀆之崇班肸蠁丕昭錫千秋之繁祉庶希鑒格永祚
塞垣

阿里瑪圖郭勒

阿里瑪圖郭勒在伊犁郭勒北固爾扎郭勒西濱
河有果木南流入伊犁郭勒乾隆二十八年秩於
祀典每歲春秋致祭

歲祭阿里瑪圖郭勒文

惟神德洽盈虛功資灌溉屬塔勒奇之左幹帶水分流
環海弩克之西偏平沙交錯涵濡嘉植千林呈離實之英
迴抱長川萬井沐滋培之益地靈克効祀事孔將朕既
續武功用敷文命東風受吏聿彰柔遠之謨溟海來王
共叶安瀾之慶緬神功之布潤蔚物產之含滋秋實春
華平衍溥自然之利濟川作楫利涉占攸往之宜特詔
祠官祇申歲祀錫鴻儀於望秩肅薦馨香答靈貺於元

冥永光祖豆春秋勿替昭鑒在茲

策集郭勒

策集郭勒在伊犁郭勒北東北距博羅和洛鄂拉
五十里南流入伊犁郭勒乾隆二十八年秩於祀
典每歲春秋致祭

歲祭策集郭勒文

惟神導源西極流派北庭抱巖谷以奔趨莫禦激湍之
勢溉土田而沃衍聿宏潤物之功細浪翻銀脉絡遙連

乎察罕長虹飲練尾間下注乎伊犁禹跡未通靈境軼
大荒經外堯封新拓嘉名補王會圖中朕撫育寰宇敕
寧邊徼武功丕振全收蔥嶺之河屯政肇修遠引蒲昌
之海惟名川之用涉宜昭報之有加承坤德以流甘位
兌維而布潤往歲六軍飲馬式彰呵護之靈今茲重驛
欵關胥受懷柔之化爰崇明祀特敕所司陳璋卽以升
馨潔粢尊而致告澄波淼淼永環都護之城流水泱泱
遙繞祁連之嶂益甄靈貺尚鑒精誠

薩瑪勒郭勒

薩瑪勒郭勒在伊犁郭勒北東北距博羅和洛鄂
拉二百里南流東為額蘇克郭勒西為奎屯郭勒
伊犁郭勒北岸土田均資溉沃乾隆二十八年秋
於祀典每歲春秋致祭

歲祭薩瑪勒郭勒文

惟神靈源夙著渥澤常濡居額蘇克之上游行伊犁河
之別派遙岑北拱萬疊雲連大水南環千條練瀉巨神

臯而利濟滋絕域以含膏莫彼迴瀾昭茲秩祀朕誕敷
文德式廓輿圖輯部落於荒陬功惟作潤軫羣黎之日
用期以飲和惟坎功之用涉咸昭斯戍校之開屯有藉
遣專官以致享典肅春秋酬靈貺而告虔吉服辛甲奎
屯上下益恢聲教之隆策集東西共受明禋之賜神其
昭鑒薦此椒馨

奎屯郭勒

奎屯郭勒在伊犁郭勒北策集郭勒西南流入伊

犁郭勒乾隆二十八年秋於祀典每歲春秋致祭
歲祭奎屯郭勒文

惟神衍派天山導源月蝟湛然無滓性殊湯谷之溫注
焉不盈德比寒泉之食波成文而曲折下注伊犁水如
鏡以澄明近隣策集功惟潤下勢欲朝宗洵神應之聿
昭宜吉蠲之罔替朕并包九寓戡定二庭路逾弱水之
西壬鈐遠授地盡河源之外戊校新屯乃咨都護之臣
肇舉名川之祀穿渠引水灌溉之利攸資創木浮槎濟

涉之功尤遠自古版章未聞不登裴矩之圖於今中外
為家合補酈元之注清醪載酌制帛爰陳康我塞垣永
作渠搜之襟帶昭茲功德長歆嗣歲之馨香式薦苾芬
庶希鑒格

塔里雅圖布拉克

塔里雅圖布拉克在伊犁郭勒南岸布喀鄂拉南
二十里周迴十餘里又東南五十里為哈畢爾罕
布拉克又西南五十里為哈喇布拉克

唐書突厥傳

乙毗沙鉢羅葉護可汗建廷雖合水

北謂之南廷東薄伊列河

按唐伊列河為今伊犁郭勒雖合水東薄伊列
則在今伊犁郭勒西可知第考河西如阿斯哈
郭勒塔拉錫克郭勒俱北流入伊犁郭勒者水
北殊無立國之地惟塔拉圖哈畢爾罕哈喇諾
布拉克當伊犁郭勒西南境宜屬雖合舊蹟則
所謂東薄伊列河者亦於方位適符耳

阿斯哈郭勒

阿斯哈郭勒在伊犁郭勒西源出阿斯哈達巴東
流一百五十里會入伊犁郭勒

塔拉錫克郭勒

塔拉錫克郭勒在阿斯哈郭勒南六十里源出墨
爾根西里鄂拉東流一百六十里會入伊犁郭勒
古爾班賽里郭勒

古爾班賽里郭勒在塔拉錫克郭勒西南六十里

其東為古爾班胡蘇圖郭勒又東為古爾穆圖郭勒又東為烏蘭烏蘇又東為沙達圖布拉克又東為鄂台郭勒又東為那林郭勒諸水皆發源南山北流三十里匯而成河又東流折而北又西會塔拉錫克郭勒阿斯哈郭勒北入於伊犁郭勒

圖爾根布拉克

圖爾根布拉克在伊犁郭勒下流南源出阿斯哈達巴北麓東北流一百三十里入伊犁郭勒其東

南五十里為古爾班察布達爾布拉克源出阿斯
哈達巴東麓三泉相距各二十里東北流三十里
不通伊犁郭勒又東南為古爾班沙濟坡布拉克
三泉相距各二十里東北流十餘里不通伊犁郭
勒

塔拉噶爾郭勒

塔拉噶爾郭勒在圖爾根布拉克西北二十里伊
犁郭勒下流南東北流八十里入伊犁郭勒西二

金史卷之六
卷二十六
十里為古爾班阿里瑪圖布拉克凡三道源出阿
圭鄂拉北麓東北流不迤伊犁郭勒

額什圖郭勒

額什圖郭勒在塔拉噶爾郭勒西十五里東北流
八十里入伊犁郭勒下流

庫爾圖郭勒

庫爾圖郭勒在額什圖郭勒東南二十里東北流
百里入伊犁郭勒下流

奎屯郭勒

奎屯郭勒在庫爾圖郭勒西二十五里源出伊爾
該圖鄂拉東北行二百里入伊犁郭勒下流

庫克烏蘇郭勒

庫克烏蘇郭勒源出庫隴奎

舊音庫隴

鄂拉北麓北

流三百餘里東會哈喇塔勒郭勒察林郭勒入於
巴勒喀什淖爾

哈喇塔勒郭勒

哈喇塔勒郭勒在察罕布呼圖鄂拉東北西北流
三十里入察林郭勒

察林郭勒

察林郭勒源出汗哈爾察海鄂拉西麓西北流百
里南會哈喇塔勒郭勒又西北流八十里入庫克
烏蘇郭勒匯入巴勒喀什淖爾

哲克得郭勒

哲克得郭勒在察林郭勒北三十里西北流百餘

里入巴勒喀什淖爾

必齊干郭勒

必齊干郭勒在哲克得郭勒北五十里北流入巴

克伯勒齊爾郭勒

巴克伯勒齊爾郭勒

巴克伯勒齊爾郭勒在必齊干郭勒東北西北流

百五十里南會必齊干郭勒西入於巴勒喀什淖

爾

巴勒喀什淖爾

巴勒喀什淖爾周迴八百餘里伊犁全河經流千里屈折至此百川萬派於焉歸宿蓋準噶爾西北境最大澤也左右支河水淺可渡處有五曰額蘇斯德曰喀拉塔拉曰輝邁拉圖曰溫托爾格曰塔爾輝塔統名多渾多渾者蒙古語渡口之謂

唐書王方翼傳十姓阿史那車簿啜叛圍弓月城方翼引軍戰伊麗河敗之斬首千級俄而三姓咽

麴兵十萬踵至方翼次熱海

按天山北路之水其周圍廣遠可以海名者惟
圖斯庫勒與巴勒喀什淖爾而伊犁郭勒即為
巴勒喀什淖爾上游境尤相屬王方翼因戰伊
麗河而次熱海似於今之巴勒喀什淖爾為近
況圖斯庫勒於唐為碎葉水考諸史傳方位適
符則巴勒喀什淖爾之為熱海更相合矣

巴倫裕勒都斯郭勒

巴倫裕勒都斯郭勒源出裕勒都斯西南五百里
額什克巴什鄂拉西麓其水東流一百二十里南
會特爾默哈達布拉克又東七十里南會布蘭布
拉克又東一百二十里南會哈爾噶納圖布拉克
又東二十里北會準裕勒都斯郭勒東南流五十
里分南北二流東行二百里而後合其北流會什
巴爾台布拉克賽喇木布拉克雅瑪圖哈布齊勒
布拉克古爾班努庫爾布拉克袞哈布齊勒布

拉克察罕烏蘇又合流三十里又北會三哈布齊
亥郭勒折而東南流為海都郭勒

特爾默哈達布拉克

特爾默哈達布拉克在巴倫裕勒都斯郭勒源東
南七十里南山下東北流入巴倫裕勒都斯郭勒
布蘭布拉克

布蘭布拉克在特爾默哈達布拉克東七十里南
山下東北流入裕勒都斯郭勒

哈爾噶納圖布拉克

哈爾噶納圖布拉克在布蘭布拉克東一百里東北流入巴倫裕勒都斯郭勒又東八十里有泉北流入哈爾噶納圖布拉克

準裕勒都斯郭勒

準裕勒都斯郭勒源出裕勒都斯東北十里其水西流會布拉圖扎哈蘇台諸布拉克出額勒伯克鄂拉谷口與巴倫裕勒都斯郭勒合而東南流

布拉圖布拉克

布拉圖布拉克在裕勒都斯西五十里源出準裕勒都斯郭勒北山凡二道西南行三十里入準裕勒都斯郭勒

扎噶蘇台布拉克

扎噶蘇台布拉克在布拉圖布拉克西七十里源出天山額布圖達巴東南流四十里入準裕勒都斯郭勒

格訥特布拉克

格訥特布拉克在扎噶蘇台布拉克西四十里源
出天山額布圖達巴東南流四十里入準裕勒都
斯郭勒又西小泉二道相距三十里南流入沙磧
烏里雅蘇圖布拉克

烏里雅蘇圖布拉克在格訥特布拉克西二十里
源出天山額布圖達巴南麓南流三十里入準裕
勒都斯郭勒

烏爾圖布拉克

烏爾圖布拉克有兩源出額勒伯克鄂拉南流入
準裕勒都斯巴倫裕勒都斯兩河合流處

謨海沙喇布拉克

謨海沙喇布拉克在烏爾圖布拉克東二十里南
行入裕勒都斯郭勒北流

什巴爾台布拉克

什巴爾台布拉克在謨海沙喇布拉克東二十里

南行入裕勒都斯郭勒北流

賽喇木布拉克

賽喇木布拉克在什巴爾台布拉克東四十里南
行入裕勒都斯郭勒北流

雅瑪圖哈布齊勒布拉克

雅瑪圖哈布齊勒布拉克在賽喇木布拉克東三
十里南行入裕勒都斯郭勒北流

古爾班努庫爾布拉克

古爾班努庫爾布拉克在雅瑪圖哈布齊勒布拉克東三十里又南行入裕勒都斯郭勒北流

袞哈布齊勒布拉克

袞哈布齊勒布拉克在古爾班努庫爾布拉克東二十里南行入裕勒都斯郭勒北流

察罕烏蘇

察罕烏蘇在袞哈布齊勒布拉克東三十里南行入裕勒都斯郭勒北流

唐書突厥傳永徽五年前軍蘇定方擊賀魯別帳
鼠尼施於鷹娑川斬首虜獲馬甚衆回鶻傳契苾
亦曰契苾羽在焉耆西北鷹娑川

按巴倫裕勒都斯郭勒經流三百餘里準裕勒
都斯郭勒經流三百里兩河既合又經流四百
里其間屈折迴環支流奔會是古所謂鷹娑川
在焉耆西北者也又唐書回鶻傳以契苾羽為
榆溪州所謂榆溪應即鷹娑之支流或一水殊

名未可知耳

巴倫哈布齊垓郭勒

巴倫哈布齊垓郭勒在裕勒都斯東一百九十里
源出額林哈畢爾噶鄂拉南麓經科舍圖達巴東
南行百里入裕勒都斯郭勒下流匯入海都郭勒
多木達都哈布齊垓郭勒

多木達都哈布齊垓郭勒在巴倫哈布齊垓郭勒
東五十里和屯博克達鄂拉南麓西南流入博羅

圖鄂拉口入裕勒都斯郭勒下流匯入海都郭勒
準哈布齊垓郭勒

準哈布齊垓郭勒在多木達都哈布齊垓郭勒東
三十里西南流百餘里入裕勒都斯郭勒下流匯
入海都郭勒

唐書突厥傳賀魯寇廷州敗數縣去詔左武衛大
將軍梁建方等擊之駱宏義請寬處月處蜜等罪
專誅賀魯願發射脾處月處蜜契苾等兵齊一月

食急趨之大軍憑住洛水上為之景助

按三哈布齊垓郭勒一水而東中西異其名源
出於東其流西行匯于海都郭勒入於博斯圖
淖爾近廷州西境之水其較大者應即唐之洛
水也當時賀魯寇廷州敗去建方追擊憑住洛
水宜在廷州西境與哈布齊垓郭勒地位相合
又按自巴倫裕勒都斯郭勒至此東西九百里
在伊犁東南境上

圖斯庫勒

圖斯庫勒在伊犁郭勒西南他巴爾遜達巴東西
距伊犁三百餘里東西四百里南北二百里周廣
六百餘里四圍之水咸會于此其自北入者東為
喀拉諾海布拉克西為沙塔圖布拉克又西為庫
爾墨圖布拉克又西為推圖墨克布拉克又西為
扎喀巴喀圖布拉克又西為和鄂爾察罕烏蘇又
西為古爾班薩里布拉克又西為古爾班克布拉

克其自東入者北為什巴爾台和賴布拉克南為
特布克布拉克又南為濟爾哈朗布拉克別有圖
爾根察布拉克古爾班扎爾奇斯布拉克西北入
濟爾哈朗布拉克匯入于庫勒其自南入者東為
阿爾沙爾布拉克西為哈拉郭勒又西為野圖庫
斯布拉克又西為伊克烏蘭烏蘇又西為昭哈布
拉克又西為古爾班雅爾哈沁布拉克又西為巴
爾渾布拉克又西為塔木哈布拉克又西為托索

爾布拉克又西為通布拉克又西為阿克布拉克
又西為塞布拉克又西為空郭爾額隆布拉克又
西為烏布什布拉克又西為鄂拉郭勒其自西北
入者南為和碩和爾布拉克北為運阿里克布拉
克又北為察察爾哈奈和賴布拉克其水分流西
北為吹郭勒千有餘里入和什庫勒

唐書王方翼傳初方翼次葛水暴漲師不可渡沈
祭以禱師涉而濟又七月次葉河無舟而冰一夕

合人以為祥突厥傳蘇定方追賀魯至碎葉水盡
奪其衆

按唐碎葉水在伊麗河西今伊犁郭勒西之水
最大者為圖斯庫勒其為碎葉遺跡無疑王方
翼兵次葉河水合得渡時先敗咽麴兵於伊麗
河追北至此則所謂葉河者應即碎葉水之別
名而葛水與之相近當屬支河之分出者耳

吹郭勒

吹郭勒在圖斯庫勒西北二百里踰渾都賴鄂拉
又西北二百里分支東行百餘里為諾渾淖爾又
西北經流千里其自南來會之水咸發源呼巴海
鄂拉西境迤屬諸山內經流各一二百里匯入吹
郭勒西北入於和什庫勒

唐書西域傳有碎葉者出安西西北千里所得勃
達嶺西南直葱嶺羸二千里水南流者經中國入
於海北流者經胡入於海繇勃達嶺北行羸千里

得細葉川川長千里

按圖斯庫勒名碎葉水吹郭勒自圖斯庫勒西北出者亦得以碎葉名之吹郭勒之水北流入和什庫勒南流入圖斯庫勒與唐書碎葉南流北流之說合蓋圖斯庫勒特為碎葉會歸之處若其支派繁多經流廣遠自必合吹郭勒諸水而後見碎葉之全至西域諸山泉源輸灌脉絡遙通自木素爾達巴一帶山泉北流入圖斯庫

勒南流入山南之木素爾哈布薩朗赫色勒諸
郭勒東南行千餘里入羅布淖爾則所謂水南
流經中國入於海者又舉其經流數千里全體
而言非謂碎葉一川即能跨越中外之境也

薩拉圖郭勒

薩拉圖郭勒在呼巴海鄂拉北北流六十里入吹
郭勒

沙木什郭勒

沙木什郭勒在薩拉圖郭勒西三十里北流八十里入吹郭勒

烏蘭烏蘇郭勒

烏蘭烏蘇郭勒在沙木什郭勒西二十里北流一百十里入吹郭勒

格格圖郭勒

格格圖郭勒在烏蘭烏蘇郭勒西二十五里有兩源北流四十里而合又北流百二十里入吹郭勒

阿什圖郭勒

阿什圖郭勒在格格圖郭勒西二十里北流一百四十里入吹郭勒

達布蘇圖郭勒

達布蘇圖郭勒在阿什圖郭勒西二十里北流百
里入阿什圖郭勒

阿爾察圖郭勒

阿爾察圖郭勒在達布蘇圖郭勒西四十里有東

北兩源各北流七十里而合又東北流五十里入

吹郭勒

伊蘭巴什郭勒

伊蘭巴什郭勒在阿爾察圖郭勒西南北流不通

吹郭勒

庫克薩爾郭勒

庫克薩爾郭勒在阿爾察圖郭勒西三十里北東

流一百五十里入吹郭勒

索郭魯克郭勒

索郭魯克郭勒在庫克薩爾郭勒西二十里北東

流一百五十里入吹郭勒

察罕烏蘇郭勒

察罕烏蘇郭勒在索郭魯克郭勒西二十里北東

流一百四十里入吹郭勒

哈喇巴勒圖郭勒

哈喇巴勒圖郭勒在察罕烏蘇郭勒西二十里北

流四十里成巨浸周三十里又北流五十里入吹郭勒

古爾班哈納圖郭勒

古爾班哈納圖郭勒在哈喇巴勒圖郭勒西三十里河流三道中東二道北流七十里而合又北流六十里其西道北流一百五十里入墨爾根郭勒阿什布魯爾郭勒

阿什布魯爾郭勒在哈納圖郭勒西二十五里北

流七十里入墨爾根郭勒

墨爾根郭勒

墨爾根郭勒在阿什布魯爾郭勒西二十五里北
流五十里東會阿什布魯爾郭勒哈納圖郭勒又
北東流八十里入吹郭勒

和什庫勒

和什庫勒在吹郭勒西北吹郭勒以南諸水咸會
於是周迴三百里

塔拉斯郭勒

塔拉斯郭勒在吹郭勒西南三百餘里源出天山
北額得墨克達巴初分四水北行三十餘里合流
北注東西岸匯入之河凡十餘道東西支河交會
之處經流二百餘里為塔拉斯郭勒上流又名烏
魯穆瑪拉爾郭勒支河交會後西行三百里之間
又名察拉哈雅郭勒由是折而西行二百里為小
海周迴三百里總名塔拉斯郭勒

按唐書西突厥傳稱其地東即突厥西雷鵒海
南疏勒北瀚海以當時十姓部落考之五弩失
畢部居碎葉西則所謂雷鵒海者應更在五弩
失畢部西境今圖斯庫勒西吹郭勒南岸額得
墨克諸境為唐五弩失畢部故壤而吹郭勒塔
拉斯郭勒下流瀦為淖爾又居其西北境或即
雷鵒海舊蹟未可知也

額得墨克郭勒

額得墨克郭勒在塔拉斯郭勒源東北烏可克達
巴西河有兩源西北流三百餘里西入塔拉斯郭
勒

古爾班哲爾格郭勒

古爾班哲爾格郭勒在額得墨克郭勒北哲爾格
鄂拉西麓有三源西流三百里合為一水西入塔
拉斯郭勒

哈喇郭勒

哈喇郭勒在古爾班哲爾格郭勒北一百里源出
呼巴海鄂拉西麓北會四小水行三百里西入塔
拉斯郭勒

庫穆什郭勒

庫穆什郭勒在塔拉斯郭勒西南源出庫穆什鄂
拉東北流二百里入塔拉斯郭勒

哈喇布拉郭勒

哈喇布拉郭勒在庫穆什郭勒西北源出哈喇布

拉達巴東北流四百里入塔拉斯郭勒

森格爾淖爾

森格爾淖爾在陽阿爾西北二百里額得墨克達
巴南麓周圍五十餘里不通他水

阿爾沙郭勒

阿爾沙郭勒在塔拉斯郭勒西二百餘里源出南
山中始東流百餘里折而北流百餘里經巴噶布
魯勒鄂拉之西又西北流百餘里入於沙磧

明布拉克

明布拉克在阿爾沙郭勒南哈喇布拉達巴北西
流四十里匯為小澤周十餘里由是南踰山嶺入
布魯特境

阿克庫勒淖爾

阿克庫勒淖爾在阿爾沙郭勒西百餘里沙磧中
小澤也周圍五十里

必庫勒淖爾

必庫勒淖爾在阿克庫勒淖爾西北二百里圓廣
亦如之又西行入西哈薩克境



欽定皇輿西域圖志卷二十六